

Morning Dogri (NSD) National News Bulletin 08-07-2025

आकाशवाणी

1. प्रधानमंत्री नरेन्द्र मोदी होर अज्ज ब्रासीलिया च ब्राजील दे राष्ट्रपति हुंदे कन्नै दपक्खी गल्लबात करगंन।
2. केन्द्रीय रेल मंत्री अश्विनी वैष्णव होरें बिहार लेई चार नमीं अमृत भारत देने दी घोषणा कीती ऐ।
3. अमरीकी राष्ट्रपति डोनाल्ड ट्रंप होरें 1 अगस्त थमां जापान ते दक्खन कोरिया थमां आयात होने आले समेयानें उप्पर 25 फीसदी टैरिफ लाने दी घोषणा कीती ऐ।
4. सदा थमां मती बरसात पौने करी नागालैंड च मची तबाही, केई खित्ते च हाड़ औने, परिसियां पौने ते ढांचे दी तबाही दी खबर ऐ।
5. क्रिकेट च अंडर-19 टीम नै इंग्लैंड खलाफ 5एं मैचें दी युवा इक दिवसीय श्रृंखला गी 3-2 कन्नै जित्ती लैता ऐ।

<><><><><><>

PM-Brazil

प्रधानमंत्री नरेन्द्र मोदी होर अज्ज ब्राजील दे राष्ट्रपति लुइस इनाकियो लूला डी. सिल्वा हुंदे कन्नै दपक्खी गल्लबात करगंन। मोदी होर रियोडे जनेरियो च 17में ब्रिक्स शिखर सम्मेलन च हिस्सा लैने दे मगरा जंदी रातीं राजकीय यात्रा उप्पर ब्रासिलिया पुज्जे। प्रधानमंत्री होरें गलाया जे उंदी ब्राजील यात्रा दा रियो गेड़ बड़ा गै उत्पादक रेआ। इक सोशल मीडिया पोस्ट च मोदी होरें आखेआ जे ब्रिक्स शिखर सम्मेलन च उनें व्यापक बचार बमर्श कीता। उनें ब्राजील दे राष्ट्रपति ते ब्राजील दी सरकार गी इ समंच गी होर मता असरदार बनाने लेई उंदे कम्मं लेई बघाई दित्ती। उनें आखेआ जे विश्व नेताएं कन्नै उंदी दपक्खी बैठकें, बक्ख-बक्ख मुखें कन्नै भारत दे सरबंधें गी होर मजबूत कीता ऐ। ब्राजील च भारत दे राजदूत दिनेश भाटिया होरें आखेआ जे दवै मुखें बश्कार चऊं समझोते पर दस्तखत होने दी मेद ऐ। इंदे च आतंकवाद निरोध, नमींकरणीय, ऊर्जा, भारतीय कृषि अनुसंधान परिषद ते ब्राजील दे एम्ब्रया बश्कार कृषि अनुसंधान ते गोपनीय सूचनाएं दे आदान प्रदान ते आपसी सुरक्षा उप्पर समझौता शामिल ऐ।

<><><><><><>

PM

5एं मुल्खें दी अपनी यात्रा दे खीरी गेड़ च प्रधानमंत्री नरेन्द्र मोदी होरें कल नामीबिया दे राष्ट्रपति नेतुम्बो हुंदे साददे उप्पर नामिबिया दे विंडहोक दा दौरा लांगन। एह प्रधानमंत्री मोदी हुंदा नामिबिया दी पैहली यात्रा होग ते भारत दे कुसै प्रधानमंत्री दी त्रीह यात्रा होग, इस यात्रा दा उद्देश्य दपक्खी सरबंघें गी बधाना ते हायड्रो कार्बन ते बड़ी घट्ट रेई गेदी धीतू सरबंधी सामग्री ते एकीकृत भगतान अंतर संचालनीयता जनेह बक्ख-बक्ख क्षेत्रें च सैहयोग करने लेई नमें क्षेत्रें दी तपाश करना ऐ। भारत ते नामिबिया दौनें मुल्खें दा उपनिवेशवाद विरोधी संघर्ष दा सांझा इतिहास रेआ ऐ। अज्ज दवै मुल्ख बपार ते निवेश, खनन, हीरा प्रसंस्करण, ऊर्जा, स्वास्थ्य दिक्खभाल, रक्षा, पर्यावरण ते जैव, बन्न सबन्नता ते क्षमता निर्माण सनें सैहयोग लेई केई क्षेत्रेंग ी सांझा करदे न। दवै मुल्खें बश्कार बपार 600 मिलियन डॉलर दा ऐ ते नामीबिया च भारतीय निवेशस तकरीबन 800 मिलियन ऐ। डिजीटल क्षेत्र च नामीबिया दुनिया दा पैहला मुल्ख ऐ जित्थें एनपीसीआई अंतर्राष्ट्रीय भुगतान लिमिटेड एनआईपीएल ने इक केन्द्रीय बैंक कन्नै यूपीआई जनेह असल समें भुगतान प्रणाली दी तैनाती लेई इक प्रौद्योगिकी समझौते पर दस्तखत कीते न।

<><><><><><>

Sitharaman

केन्द्री खजाना मंत्री निर्मला सीतारमण होरें आखेआ ऐ जे ब्रिक्स बक्ख-बक्ख पक्खें गी किट्ठे लेइयै अगड़े बधाने दा इक महत्वपूर्ण मंच ऐ। उनें आखेआ जे टकोहदा करियै जिसलै कुल संसारी सतह दियां संस्था-वैद्यता ते नेतृत्व दी चुनाती जां संकट दा सामना करै करदियां होन उसलै इसी सैहयोग गी निग्गर बनाइयै भरोसेमंद सुधारें दा समर्थन ते ग्लोबल साउथ दिएं समस्याएं गी मजबूत अवाज देइयै मसाल पेश करनी लोड़चदी। रियो डी-जिनेरियो च कल ब्रिक्स मुल्खें दे खजाना मंत्रिण ते सेंट्रल बैंक दे गवर्नरें दी बैठक गी संबोधत करदे होई सीतारमण होरें आखेआ जे भारत नै मजबूत घरेलू मंग, समझदार आर्थिक प्रबंधन ते लक्ष्य मिथियै राजकोषिय उपाएं दे तालमेल कन्नै सकारात्म ते अनुकूलता दा प्रदर्शन कीता ऐ।

<><><><><><>

Amrit Bharat

रेलवे मंत्री अश्विनी वैष्णव होरें बिहार लेई चार नमीं अमृत भारत रेलगडिडएं दी घोषणा कीती ऐ। बक्ख-बक्ख रेल परियोजनाएं दा उद्घाटन करन बिहार आए दे वैष्णव होरें आखेआ जे चार अमृत भारत ट्रेनां नमीं दिल्ली, पटना, दरभंगा, लखनऊ, मालादा टाउन-लखनऊ ते सहरसा अमृतसर बश्कार चलंगन। उनें बिहार दे समस्तीपुर रेल मंडल दे करपूरी ग्राम स्टेशनपरिसर च केई महत्वपूर्ण योजनाएं दा नी पत्थर रखेआ ते केइएं दा उद्घाटन कीता। मंत्री होरें पटना च दीधा ब्रिज हाल्ट दा बी निरीक्षण कीता ते उत्थें यात्री सुविधाएं, प्लेटफार्में दी साफ यफाई, बिजली ते सुरक्षा बवस्था दा जायजा लैता। मंत्री होरें साढ़े 3 करोड़ रुपे दी लागत कन्नै बनने आले करपूरी ग्राम स्टेशन दे निर्माण कम्में दा बी नीह पत्थर रखेआ।

<><><><><><>

US Prez

अमरीका दे राष्ट्रपति डोनाल्ड ट्रंप होरें 1 अगस्त थमां जापान ते दक्खन कोरिया थमां आयात होने आले समेयान उप्पर 25 प्रतिशत टैरिफ लाने दी घोषणा कीती ऐ। एह नमीं घोषणा नेह् समें उप्पर होई ऐ जदूं ट्रंप होरें आखेआ ऐ जे ओह 1 दर्जन मुल्खें दे नेताएं गी चिट्ठी पोस्ट करगन। अमरीकी राष्ट्रपति होरें अपने सोशल मीडिया पोस्ट च इस फैसले दी घोषणा कीती जित्थें उनें हर इक देश दे नेताएं गी भेदी गेदी चिट्ठिएं दी कापियां पोस्ट कीतियां।

<><><><><><>

Monsoon

सदा थमां मती बरसात करी नागालैंड च बड़ी मती तबाही मची दी ऐ। जेह्दे करी बक्ख-बक्ख जिलें च हाड़ ओने, पस्सियां पौने ते ढांचे दे ढेई जाने दी खबर ऐ। नागालैंड रियायती आपदा प्रबंधन प्राचीकरण एनएसडीएमए नै आखेआ ऐ जे उनेंगी घरें दे ढेई जाने, शिड़कें, पुलें ते धान दी फसलें दे तबाह होने दी रिपोर्ट मिला'रदियां न।

<><><><><><>

IMD

भारती मौसम विभाग ने अज्ज डत्तीसगढ़, पूर्वी राजस्थान, हरियाणा, चंडीगढ़, दिल्ली, कोंकण, गोवा, मध्य महाराष्ट्र, मध्य प्रदेश, ओडिशा, पंजाब, तेलंगाना, उत्तराखंड ते विदर्भ दे किश इलाकें च भारी थमां बड़ी बरखा दी पेशगोई कीती ऐ। मौसम विभाग नै अगले 3 दिनें देश दे मध्य ते पूर्वी इलाकें च बी बड़ी भारी बरखा पेई सकदी ऐ।

<><><><><><>

Cricket

भारत दी 19 ब'रे कोला हेठली उमरी दी टीम नै इंग्लैंड खलाफ 5एं मैचें दी श्रृंखला दा 5मां ते खीरला मैच वोर सेस्टर दी कन्ट्री ग्राइड च 7 विकटें कन्नै हारने दे बावजूद बी श्रृंखला 3-2 कन्नै जित्ती लैती ऐ। आयूष महात्रे दी कप्तानी च भारती टीम नै टॉस जित्तिथै पैहले बल्लेबाजी करने दा फैसला लैता ते निर्धारत 50एं आवेरें च 9 विकटें दे नुकसान पर 210 रंज बनाए। परते च मेजबान टीम नै जित्त दा लख्य 37में ओवर च गै हासल करी लैता।

<><><><><><>